

道門科範大全集卷之五十一

廣成先生杜光庭制定

南北二斗同醮儀

臨午行道

法事陞壇如式

各禮師存念如法

宣衛靈呪

丹靈朱火炎霞激風赤輪剛運天光行衝
逆威包羅交變萬方流金豁落羣魔滅蹤
辟邪破妖明耀元功金符石制躡雲策龍
謠歌慶會散花太空神化宜運四極安隆
伏御帝前罔有不恭和與道合真

鳴法鼓二十四通

無上三天玄元始三炁太上道君太上老君
召出巨身中三五功曹左右官使者左右捧
香驛龍騎吏侍香童童傳言散花玉女五帝
直符直日香官各三十六人出出者嚴裝顯
服冠帶垂纓關啓玄壇土地方域神真臣今
臨午行道謹奏為入意其諸情悃已錄告聞
願得

太上十方至真道炁靈寶瑞光下降流入臣
身中令臣所啓速達徑御
太上無極大道

昊天玉皇上帝御前

請稱法位

具位臣其與闔壇眾官等謹同誠上啓
虛无自然元始天尊太上大道君太上老君
昊天玉皇上帝九皇上真十方已得道大聖
眾至真諸君丈人三十六部尊經玄中大法
師闔宮玄象日月星辰北斗尊帝七元輔弼
星君南極大帝文人司馬六司星君本命元
辰洞天海嶽三界官屬一切真靈臣伏聞圓
穹垂象盈虛先七政之推文曜交耀旋斡自
二司之始斗宿天之星紀啓義明於書雲極
星天之帝車運玉衡而建月號南斗者乃居
於丑位稱北極者實御於中央喉舌化工權
與曆象三百六十五度推尊天廟之提綱萬
有一千餘星悉受斗杓之操柄四序調於玉
燭三辰應於銅儀盡由兩極之主張叶贊一
元之運動凡圓形於人世皆稟氣於乾文品

固萬殊理歸一揆奉道其叨蓋與之賦命荷
珠璧之儲精水火為受性之原南北係降神
之府假四大之凡器植一真之深根敢不崇
玄庶幾反本立壇象斗環帝座以流光酌水
獻花企辰樞而展信式遵秘誥嚴奉殊科欽
承咫尺之威輒致再三之瀆臣棲身秘館通
籍真階躡紀步網愧彭氏女昇仙之效然燈
事斗茂鄧德誠伐叛之功惟知宏教於玄壇
或可降祥於善類既承詞悃敢不以聞

宣詞

按如詞言丹誠懇切將上塵於帝所亦徧御
於星壇洪惟共理之司參輔無私之覆民生
均稟日用相須寶劍深潛尚騰光於舍次豐
狐異類猶展敬於魁杓既抱最靈之寶宜識
有生之本道之真體寄運用於水火之官天
有常形職變動於經躔之宿爰舉同壇之醮
禮肅欽麗極之明威耿耿天梁跨河源而錯
峙煌煌玉斗杓龍角以左旋注想高穹馳神
玄象願下風雲之駕俯歆蘊藻之羞過者化
存者神覃休家國熾而昌康而壽均福顯幽

凝薰燻之芳馨格湛恩之汪濊以今臨午行道請法衆等運茲初檢上香

願此香煙騰空徑上供養

太上三尊十方衆聖臣等皈身皈神皈命以是功德上祝

今上皇帝陛下伏願高明並照辰極齊專成象成形擬諸身而高拱自南自北陶至化以來賓天步無難人文有爛網紀燦日星之序地久天長救累如水火之多時和歲稔今故燒香自皈依

道尊大聖衆至真之德得道之後昇入無形和與道合真

以今臨午行道請法衆等運茲二檢上香

願此香煙騰空徑上供養

太上尊經十方衆聖臣等皈身皈神皈命以是功德歸流其家上世先靈親踈眷屬陰宮夜境滯爽幽魂出朔都溟渤之鄉造丹靈洞陽之境抱日扶月襲沖烝於陰陽陶魄鑄魂反真神於禹坎達生榮界垂裕後昆今故燒香自皈依

經尊大聖衆至真之德得道之後昇入無形和與道合真

以今臨午行道請法衆等運茲三檢上香

願此香煙騰空徑上供養

太上三師十方衆聖臣等皈身皈神皈命以

是功德歸流其家一門長少骨肉至親伏願坎宮除險厄之虞南極介壽昌之祉樞機將相著福祿以川增魁斗杓驅凶魔而瓦解懲忿窒怒而防患積精累氣以全生俾修為年長依至道今故燒香自皈依

師尊大聖衆至真之德得道之後昇入無形和與道合真

唱方 懺方 命魔 三啓 三禮

請稱法位

具位臣某與閭壇衆官等謹同誠上啓

虛元自然元始天尊太上大道君太上老君昊天玉皇上帝九皇上真十方已得道大聖衆至真諸君丈人三十六部尊經玄中大法師圓宮玄象日月星辰北斗尊帝七元輔弼星君南極大帝丈人司馬六司星君本命元

辰洞天海嶽三界官屬一切真靈臣伏聞造物無物莫非普植於羣倫與生俱生孰是反求於一己昧剛柔之負抱孤健順之生成迷本忘真乘愆蹈過莫悟擢形於斯世端從稟氣於鴻鈞俾彼胚胎之初誠如渾沌之始分

化爐之真火神水為人身之丹田絳宮高已之日凝魂坎戊之月制魄六府五藏九竅百骸皆次第以成形洎圓滿而誕質或富或貴或賤或貧各從情實之萌莫匪世羅之絆六欲障虛明之性七情斷久視之根既與道以

闕踈宜行世之坎珂天災物累鬼責人非運元推屯否之臨身幹厄消暑寒之相寇倚伏之機皆藏於危穿避趨之路宜詰於通津玉局遺言昭示解穰之法紫庭秘語許陳懺謝之儀可轉禍以為祥庶遷善而遠罪今奉道

某慮災凶在運憂惕于中用遵金口之言恭啟鬱庭之懃伏乞

虛元上聖寥廓高真示以自新嘉其退省教下南宮六紀北斗七元迺景傾光墮祥介福深災重患隨置指以蠲除元烝真情幹杓

而增注調平星度安鎮天綱五行無流逆之災三命息刑妨之厄固蒂深根而養壽懷珠抱玉以全生居之斯安動罔不吉均繁禧於眷屬茂純淑於門闈上願

國壽延洪帝圖悠久三邊不警九譯歸仁物類叶於泰通平安遂性重陰廓於豐照離苦起生願力難周恩光無盡上明天尊大慈之澤下副臣等皈命之誠謹啓以聞

十二願

復爐

謹攝香官使者左右龍虎君侍香諸靈官當令臣向來臨午行道之所自然生金液丹碧芝英百靈衆真交會在此香火爐前當願十方仙童玉女接待蘭煙傳臣向來所啓之誠

速達徑御

至真無極大道

昊天玉皇上帝 御前

出堂頌 出戶

道門科範大全集卷之五十一

道門科範大全集卷之五十二

廣成先生杜光庭刑定

南北二斗同醮儀

晚朝行道

法事陞壇如式

各禮師存念如法

宣衛靈呪

五星高耀 瑞氣飛浮 元始集神 天地交泰

玉符寶節 嘯命微幽 擲火持威 奸凶無留

萬魔振伏 紛葩却消 摧怪滅惡 道炁周流

神光照夜 陰翳俱消 萬神降格 扇景乘廳

羣生咸遂 惠徧神州 與道合真

鳴法鼓二十四通

無上三天玄元始三炁太上道君太上老君

召出臣身中三五功曹左右官使者左右捧

香驛龍騎吏侍香金童傳言散花玉女五帝

直符直日香官合三十六人出出者嚴裝顯

服冠帶垂纓闕啓壇土地方域神真臣今

靜夜行道謹奏為入意其諸情悃已錄告聞

願得

太上十方至真道炁靈寶瑞光下降流入臣身中令臣所啓速達徑御

太上無極大道

昊天玉皇上帝 御前

請稱法位

具位且共與闔壇眾官同誠上啓

虛元自然元始天尊太上大道君太上老君

昊天玉皇上帝九皇上真十方已得道大聖

眾至真諸君丈人三十六部尊經玄中大法

師圓穹玄象日月星辰北斗尊帝七元輔弼

星君南極大帝丈人司馬六司星君本命元

辰洞天海嶽三界官屬一切真靈臣伏聞玄

化流光列宿垂耀文昌上聖掌丹籙以注生

紫微高尊總玄都而布化三光五帝生育羣

材統御萬靈普鑒幽顯臣謹為某家按依科

式虔立壇場崇設醮筵披露誠懇冥析玄象

延降真靈伏惟上聖眾尊垂慈降鑒分光迺

景采納丹誠臣既奉情詞敢不上奏

宣詞

按如詞言良深懇切念以積生慶會獲遇明